

摘藻堂四庫全書薈要

經部

欽定四庫全書薈要卷一千十九

經部

詩緝卷十九

宋 嚴粲 撰

鴻鴈之什

小雅

鴻鴈美宣王也萬民離散不安其居而能勞來還定安

集之

勞來還音勞賚旋○王氏曰勞者勞之來者來之往者還之擾者定之危者安之散者集之

至

于矜寡

矜音鰥

無不得其所焉

此詩流民所作述使臣之勤勞能布宣其上之德意也美使臣所以美宣王也王者事業以民為本可以

見興復之規模矣

鴻鴈于飛

傳曰大曰鴻小曰鴈○疏曰鴻鴈俱是水鳥其形鴻大而鴈小春則避陽暑而北秋則避

陰寒而南○曹氏

曰喻小大皆離散肅肅其羽

傳曰肅肅羽聲也○陳氏曰其羽急疾○今日小星

肅肅宵征毛以為疾貌則此亦為羽聲之疾也

之子于征

歐陽氏曰之子使臣也

劬勞于

野

劬音衛○傳曰劬勞病苦也

爰及矜人

矜如字○箋曰及此可憐之人

哀此鰥寡

興也言大鴻小鴈之飛轉徙無定居其羽聲肅肅然

急疾如厲王之後民無小大皆奔散也鳥棲皆有常

處唯鴻鴈春北而秋南故以喻民之不安其居宣王

於是遣使巡行而安集之之子使臣奉命征行病苦  
于野不敢安寧賙卹之澤及此可憐之人而尤哀念  
於鰥寡以離散之民皆可念而其中有鰥寡者尤可  
念也

鴻鴈于飛集于中澤

傳曰中澤澤中也○箋曰猶民見還定安集○曹氏曰鴻鴈之趾連

蹄不能握木故易以鴻漸于木為失所不安之象書以彭蠡既豬陽鳥攸居為得其所

之子于垣

音素○疏

百堵皆作

堵音覩○傳曰一丈為版五版為堵○疏釋傳曰五版為堵謂累五

曰垣牆也

版也版廣二尺故周禮說一堵之牆長丈高一丈○箋曰春秋傳云五版為堵五堵為雉雉長三丈則版六尺

○疏釋箋曰五版為堵五堵為雉定十二年公羊傳文也謂接五堵成一雉何休取韓詩傳以版長八尺古之雉制書傳各雖則劬勞其究安宅朱氏曰究終也

鴻鴈集于澤中喻還定之後民有居止之安也使臣所至使民築其垣牆為安處之計百堵同時而起且勸勉之曰汝今雖劬勞其終有安居也

鴻鴈于飛哀鳴磬磬

音遯○釋文曰磬磬聲也○曹氏曰民初得其所歸皆磬磬然赴訴

於使

維此哲人

曹氏曰民稱使者為哲人

謂我劬勞維彼愚人謂我

宣驕

傳曰宣示也○今曰猶宣淫之宣

離散之餘初有定居生理未復故如鴻鴈瞽瞍然哀  
鳴赴訴於使臣使臣能撫恤賑濟之於是流民稱此  
使臣明哲故能知我之劬勞若使彼愚人為使臣將  
謂我宣恣其驕求索無厭也此云者指見在之人彼

云者設言其人耳

曹氏曰見宣王  
選任之明也

### 鴻鴈三章章六句

庭燎

音療

美宣王也因以箴之

箴音斟

○釋文曰箴諫誨

之辭

○疏曰若病之須箴

○董氏曰

傳云百官箴王闕此詩其司烜之屬所為乎烜況遠

○解頤新語曰箴猶鍼砭

鍼音箴砭破驗反

○董氏曰

傳云百官箴王闕此詩其司烜之屬所為乎烜況遠

反與嚇兮  
嘖兮同音

美其勤也慮其勤之易怠故從而箴之

夜如何其

音基○釋文曰其辭也

夜未央

說文曰未央也

庭燎之光

傳

庭燎大燭也○疏曰庭燎者樹之於庭燎之為明是燭之大者秋官司烜云邦之大事供蕢燭庭燎注云樹於門外曰大燭門內曰庭燎不同者以彼燭燎別文則設非一處庭燎以庭名之明在門內故以大燭為門外以文對故異之耳其散則通也郊特牲云庭燎之百由齊桓公始也注云僭天子也庭燎之差公蓋五十侯伯子男皆三十是天子庭燎用百古制未得而聞要以物百枚並而纏束之今則用松葦竹灌以脂膏也

君子

至止

傳曰君子謂諸侯也

鸞聲將將

音踰○曹氏曰將將聲之大

玉藻云朝辯色始入君日出而視之今宣王中夜而  
起失於太早詩人設為問荅之辭曰今夜已如何乎  
乃夜未半也庭燎已設而有光諸侯皆來朝聞其鸞  
聲之大將將然蓋來者多而其聲揚也然未辯色則  
未可以入是太早也所以箴之○舊說相承以夜如  
何其為宣王問夜今不從

夜如何其夜未艾

毛音礙鄭音刈○王氏曰未艾未及盡也○李氏曰左傳昭元年秦后子

云一世無道國未艾也注云絕也則艾為盡意

庭燎晰晰

音制○傳曰晰晰明也○朱氏曰小明也



君子至止鸞聲噦噦

音誨翺翺音同○傳曰噦噦徐行有節也○曹氏曰噦噦聲之微

自夜未半而庭燎已光諸侯先至者待之久矣既而至於夜未盡庭燎晰晰然其光漸小諸侯之繼至者其鸞聲之微噦噦然蓋來者稀而其聲殺也亦箴其早也

夜如何其夜鄉晨

鄉音嚮

庭燎有輝

音暉○朱氏曰有輝天明而光散也○今

曰易未濟卦其暉吉也程傳云暉光之散也暉輝義同

君子至止言觀其旂

鄉晨則庭燎光散諸侯之後至者可見其旂於是辨

色而始入乃朝之時也何必太早乎○舊說皆謂自  
未央而未艾自未艾而鄉晨為始勤終怠之意如是  
則此詩作於宣王怠政之日而追述其前時之勤耳  
是刺而非美矣所謂因以箴之者如有常德以立武  
事因以為戒謂美其武功之方盛而因戒其後之不  
可以黷武庭燎亦美宣王之勤政而箴其勤之大過  
耳過於勤則不可以常而其終之怠固勢所必至然  
此詩則未及言怠政之事朝辯色而入末章夜鄉晨

正視朝之時不為怠也此詩乃宣王銳意求治之初  
其後晏起至煩賢后脫簪乃末年怠政之事非此時  
也

詩記曰宣王其志雖勤然未能安定凝止  
躍然有喜事之心焉斯其所以不能常也

### 庭燎三章章五句

沔水

沔音免

規宣王也

箋曰規者正圓之器也規主仁恩  
也以恩親正君曰規春秋傳云近

臣盡規○疏曰圓者周匝之物以比人行周備有不圓  
匝者規之使成圓正物之器不獨規獨言規者以恩親  
正君曰規規之使圓則外無廉隅  
故五行規主東方是主仁恩也

規其聽讒而諸侯攜貳也

沔彼流水

傳曰沔水  
流滿也

朝宗于海

朝音潮○箋曰諸侯春  
見天子曰朝夏見曰宗

○疏曰大宗伯注云朝朝也欲其來之早宗  
尊也欲其尊王禹貢亦云江漢朝宗于海

駛彼飛隼

駝音隼隼音筍○晨風傳曰  
駝疾飛貌○隼解見采芑

載飛載止

箋曰載之言則也

嗟我

兄弟邦人諸友莫肯念亂

箋曰莫無也

誰無父母

興也杜詩云衆流歸海意萬國奉君心與此詩意同

彼沔然而滿之流水必入于海有朝宗之義喻諸侯

雖彊大必朝宗于天子此理之常也其叛服不常如

駛然疾飛之隼或飛或止者必有其故矣含蓄而未

言也兄弟指所親邦人指衆人諸友指所厚言兄弟  
邦人諸友則親疎厚薄識與不識皆在其中矣嗟我  
親疎厚薄之人無肯思亂者皆願平治也誰無父母  
乎皆有所顧惜也憂諸侯之背叛而致禍亂將累其  
親也

沔彼流水其流湯湯

音商○傳曰湯湯放縱無所入也

馱彼飛隼載飛

載揚念彼不蹟

音迹○釋文迹亦作蹟蹟足跡也○傳曰不蹟不循道也○今日不由故迹謂

越常也

載起載行之憂矣不可弭忘

弭音敍○傳曰弭止也

水滿而湯湯然猶書湯湯洪水方割喻諸侯彊大而  
放恣也隼載飛載揚猶諸侯飛揚而不朝事者故念  
彼不循道之諸侯我坐不能安則起則行此心之憂  
不可止而忘之也

歟彼飛隼率彼中陵

箋曰率  
循也

民之訛言

箋曰訛  
偽也

寧莫之

懲

傳曰懲  
止也

我友敬矣讒言其興

一章言載飛載止喻諸侯或朝或不朝者二章言載  
飛載揚喻諸侯跋扈不朝者此章言率彼中陵喻諸

侯循道而來朝者飛止者已無固志飛揚者未有回  
心率彼者蓋僅有之所當綏懷以勸來者今民之訛  
言復欲中以飛語而使之不自安豈可不懲止之乎  
聞來朝之諸侯相與語曰吾輩事王室非不敬矣而  
讒言方興將如之何是其心亦懷疑懼將不來矣宣  
王不可不察也諸侯之叛在讒言耳首章之含蓄次  
章之憂危至末章結句始發之

沔水三章二章章八句一章六句

鶴鳴誨宣王也

董氏曰此詩其師傳所作歟

此詩說者多異毛鄭在衆說之先皆謂興求賢必有師承當從之

鶴鳴于九皋

傳曰皋澤也○箋曰澤中水溢出所為坎自外數至九喻深遠也

聲聞于

野

聞音問○今日他人聞知其聲之聞從平聲凡聲聞於人之聞從去聲○傳曰言身隱而名著也

魚

潛在淵或在于渚

江有渚傳曰渚小洲也○疏曰以魚之出沒喻賢者之進退

樂彼

之園

樂音洛

爰有樹檀

疏曰檀善樹也○解見將仲子

其下維擇

音托○擇落葉

也解見擇兮○箋曰猶尚賢而下小人

它山之石

它音拖

可以爲錯

七落反○傳曰



錯石也可以琢玉○今日揚子  
不磨不錯焉攸用錯謂治玉也

興也鶴鳴于九皋深遠之地其聲聞于外方之野喻  
賢者身隱名顯也魚或在於深淵或見於淺渚喻賢  
者去就不常也身隱名顯則難進去就不常則易退  
皆視人主意嚮何如耳故用捨不可以不審猶彼園  
之可樂者以上有善木之檀其下則有落葉喻朝廷  
之上當上賢而下不肖也既得賢者則可以磨礱君  
德如宅山之石可以為琢玉之錯石也

程子曰玉之  
溫潤天下之

至美也石之粗糲天下之至惡也然而兩玉相磨不可  
以成器以石磨之而後玉之為器得以成焉猶君子  
之與小人橫逆既加然後修省畏避動心忍性增益  
預防而禮義生焉道德成焉吾聞諸邵子云○李氏  
曰漢三符云攻玉以石洗金以鹽濯錦以魚浣布以  
灰夫物固有以賤理貴以醜化好者矣智者棄短取  
長以致其功

鶴鳴于九皋聲聞于天魚在于渚或潛在淵樂彼之園

爰有樹檀其下維穀

音谷釋文曰穀從木非從禾也○日穀楮也今楮皮也○傳曰穀惡

木也○疏曰陸璣云幽州人謂之穀桑荆揚交廣謂之穀中州人謂之楮殷中宗時桑穀並生是也今江南人  
績其皮以為布又擣以為紙謂之穀皮紙潔白光澤其裏甚好其葉初生可以為茹它山之石可

以攻玉

傳曰攻錯也。今日謂錯治之也。

鶴鳴二章章九句

祈父

音畿甫

刺宣王也

疏曰周語云宣王三十九年戰于千畝王師敗績於姜氏之戎

宣王料民太原人不足用乃令祈父出禁衛以從軍此宣王之失非祈父所得專也作者呼祈父而責之

所以刺宣王也

祈父

傳曰祈父司馬也職掌封圻之兵甲。釋文曰封圻當作畿字古作祈圻畿同字得通故此作祈尚

書作圻。李氏曰左傳襄十六年獻子賦圻父其字用酒誥圻字昭十二年子革曰蔡公謀父作祈招之詩杜

預注云祈父周司馬祈字作詩之祈招音韶○疏曰常武美宣王命程伯休父為大司馬此詩所刺者蓋休父卒後他人代之

予王之爪牙

疏曰鳥用爪獸用牙以防衛此人自謂王之爪牙以鳥獸自喻也

胡轉予于恤

箋曰轉移也○傳曰恤憂也

靡所止居

宣王以宿衛之士從軍宿衛之士不敢斥宣王以司

馬掌征伐呼其官而責之曰祈父我乃王之爪牙當

為王閑守之衛女何移我於憂恤之地使我無所止

居乎謂使之從軍在外無定居也軍心之怨如此其

敗宜矣○此詩作於未敗之前故但言靡所止居有

母尸饗也變雅諷刺其上庶其覺悟使宣王聞而改

圖未必有千畝之敗也

箋曰司馬之屬有司右主勇力之士六軍之士出於六卿

法不取於爪牙之士○疏曰司右止言勇力屬焉不言使之守衛夏官虎賁氏其屬者虎士八百人其職云掌先後王而趨以卒伍軍旅會同亦如之舍則守王閑王在國則守王宮國有大故則守王門虎賁之徒既為宿衛則司右之徒亦為宿衛矣

祈父予王之爪士

李氏曰爪牙之士也

胡轉予于恤靡所底止

底音

止○傳曰底至也

靡所底止謂遠戍而行役未已

祈父宣不聰

傳曰宣誠也

胡轉予于恤有母之尸饗

音邕○傳曰尸

陳也熟食曰饗○長樂劉氏曰尸主也

言有母見無父矣猶賴考叔所謂小人有母也祈父

誠不聰何為移我於憂恤我有母在當主為饗以養

之汝乃不知是不聰也

詩記曰讀是詩見宣王變古制者二焉前兩章既刺其以

宿衛之士從征役矣末章復曰祈父宣不聰胡轉予于恤有母之尸饗有親老而無他兄弟其當免役征在古必有成法責其不聰其意謂此法人皆聞之彼司馬獨不聞乎乃驅吾從戎使吾親不免薪水之勞也責司馬者不敢斥宣王也越勾踐伐吳大徇於軍曰子有父母耆老而子為我死之子父母將轉於溝

登子為我禮已重矣子歸沒而父母之世後若有事吾與子圖之勾踐尚能辨此况周之盛時乎其有定制必矣太子晉諫靈王之辭曰厲始革典十四王矣又曰自我先王厲宣幽平而貪天禍至于今未弭宣王中興之主也至與幽厲並數之其辭雖過觀是詩所刺則子晉之言豈無所自歟

### 祈父三章章四句

白駒大夫刺宣王也

當時賢能布列白駒一賢之去若未關大體詩人已為宣王惜之蓋見幾也

皎皎白駒

皎音繳○釋文曰皎皎潔白也

食我場苗

場園場見七月○疏曰此宜云園而





芻也又繫絆其馬之足維繫其馬胃之勒惟恐其去而不留猶投轄於井之意也以延引今朝謂賢者縱不能久留且得款曲今日亦足矣此皆欲見之而不可得之辭故想像其人而言曰所謂彼人者願其來此逍遙也蓋賢者去之國人思望之意也○穀之始生曰苗草之類始生亦曰苗本草多言春夏采苗是也場即圃也言圃中之苗則菜茹之嫩者猶今言菜秧非禾苗也若以納稼在場則不名苗矣下云場藿

藿豆葉也亦菜茹之類○舊說以伊人逍遙為賢者  
實來訪於已非也伊人猶言彼人謂其人不在此而  
想像之稱非覲面之稱也唐有杖之杜刺不能求賢  
曰彼君子兮噬肯適我中心好之曷飲食之丘中有  
麻言賢人放逐曰彼留子嗟將其來施施皆望其來  
而不可得之辭與此詩之意一也

皎皎白駒食我場藿

音霍○曰藿豆葉也  
用以鉤羹解見小宛

繫之維之以

永今夕所謂伊人於焉嘉客

願其來此為嘉客也

皎皎白駒賁然來思

賁音秘。程子曰賁然光彩。疏曰思助語。

爾公爾侯

逸豫無期慎爾優游勉爾遁思

遁音鈍。字亦作遯。今曰易遯卦遯奉身退隱

之謂也

言願此賢者來訪於已賁然若有榮耀焉亦望之之  
辭也彼去而已留於是美賢者退居之樂謂爾賢者  
若為公為侯則將勤勞國事無有逸豫之期今爾肥  
遯優哉游哉足以自樂願加保重耳故曰謹爾優游

勉爾遁思於此深寓愛賢之意而又以見賢者無入不自得不以得喪嬰其心也○舊說爾公爾侯為責公侯與下文爾字不歸一今以四爾字皆指賢者

皎皎白駒在彼空谷

今日空谷言寂寥無人之所也

生芻一束

芻音初○釋文

曰芻刈草也俗作芻今日生芻新刈之草所謂青芻也

其人如玉母金玉爾音

母音

無而有遐心

言賢者遠遯在於無人之空谷所謂寬閑之野寂寞之濱也處困窮而享淡薄其飼馬以新刈生草一束

而已無穀以秣之然其人之美則如玉也彼去而已  
留望其音問不相絕曰無自貴重其音聲如金玉然  
不以遺我而有遠棄我之心也上三章猶望賢者來  
訪於已末章言賢者晦迹巖谷不可復望其來見止  
望其寄聲耳極稱其美而為拳拳思慕之辭所以見  
其人之賢而刺時之不能用也○杜詩與奴白飯馬  
青芻則以草新刈而青者為愛客之厚此詩則以生  
芻見賢者之處淡薄其意各有所主季文子無食粟

之馬唐人詩官清馬骨高山谷詩貧馬百賢逢一豆

賢音閑又音覓牛  
馬食餘草節也

皆因馬以見人也

### 白駒四章章六句

黃鳥刺宣王也

毛鄭以為室家相棄王氏蘇氏以為賢者不得志而  
去不若朱氏以為民不安其居適異國而不見收恤  
諸家以無啄我粟為此邦之言不我肯穀復我邦族  
為去者之言文意斷續朱氏以為皆去者之言朱義

為長

黃鳥黃鳥無集于穀

疏曰穀木也○解見鶴鳴

無啄我粟

卓啄音

此邦

之人不我肯穀

傳曰穀善也○今曰書既富方穀

言旋言歸

曰言辭也

復我

邦族

興也民適異國不得其所無可告語者唯黃鳥可愛  
平時飛鳴往來於此故於其將去呼黃鳥而告之曰  
爾無集于我之穀木無啄我之粟矣蓋此邦之人不  
肯以善道待我我亦不久於此將旋歸復反我邦之

宗族矣與黃鳥告別之辭也杜詩岸花飛送客檣燕  
語留人謂送留惟花燕亦此詩告別惟黃鳥之意也  
○舊說以黃鳥集穀啄粟喻侵迫黃鳥鶯也人所愛  
玩集木啄粟未為侵害於人

黃鳥黃鳥無集于桑無啄我梁此邦之人不可與明言  
旋言歸復我諸兄

不可與明言以橫逆加已不可與之求明白也

黃鳥黃鳥無集于栩

音許○曰栩柞也櫟也杼也解見唐摭羽

無啄我黍此



邦之人不可與處

音杵

言旋言歸復我諸父

黃鳥三章章七句

我行其野刺宣王也

王氏曰此民不安其居而適異邦從其婚姻而不見收恤之詩也○

朱氏曰使民如此異於還定安集之時也

周之盛時以睦婣任恤教道其民風俗醇厚何如也  
至黃鳥我行其野之詩作則教道微而習俗薄矣君  
子是以知宣王之後周道之衰也

我行其野蔽芾其樗

芾音沸樗音樛○蔽芾解見甘棠○傳曰樗惡木也○疏曰七月云

采荼新樗樗唯取薪薪惡木也○李氏曰樗者不材之木也莊子云吾有大樹人謂之樗其大枝擁腫不中繩墨其小枝卷曲不中規矩卷音權

昏姻之故言就爾居爾不我畜

許六反

傳曰畜養也○今日邨谷風不我能愔字異音義同復我邦家

我從本國而來經行於野見有惡木之樗野中自生非藉人力種植而其枝葉蔽芾然茂盛我猶得休息於其下我以爾是昏姻親戚之故素有恩義交結非野樗之比也今來就爾居爾乃不我養是無恩之甚惡木之不如也爾既不我養今當復反我之邦家矣

# 與之訣也

我行其野言采其蓫

音蓄。傳曰蓫惡菜也。箋曰牛蓫也。亦仲春時生可采也。蓫徒雷

反。陸璣曰今人謂之羊蹄似蘆菔而葉長赤鬻為茹滑美也。鬻煮同。王氏曰蓫惡卉也可以治疾。曹氏曰蓫皆野生。昏姻之故言就爾宿爾不我畜言歸斯復。

蓫惡菜野生不待栽培猶可治疾我與爾為昏姻有交結之素乃野菜之不如也我歸則復其舊矣

我行其野言采其蓄

音福。傳曰蓄惡菜也。箋曰蓄蓄也。蓄音富。陸璣曰河內謂之

蓫幽州謂之當燕一名蓄其根正白宜著熱灰中溫噉之饑荒之歲可蒸茹以禦饑或云其花葉有兩種一種

葉細而花赤一種葉大而花白復香音家音續不思舊姻求爾新特蘇氏曰特匹也

○今日新特謂新親也成不以富蘇氏曰依論語成當作誠亦祇以異祇音支○傳曰

祇適也○今日朱氏論語解云不足以致富而適足以為異也

菑亦惡菜野生猶可禦饑新舊親姻一也今乃棄我之舊姻而求爾之新親責其薄也爾之不我收恤但鄙吝耳此何能以致富適足為異耳親義相賙人道之常爾獨不然是可怪也

我行其野三章章六句

# 斯干宣王考室也

箋曰考成也○疏曰說文云釁血祭也雜記下云成廟則釁之其禮雍人

拭羊舉羊升屋自中中屋南面剖羊血流于前乃降是釁

廟也雜記云路寢成則考之而不釁注云設盛食以落

之○歐陽氏曰古人成室而落之必有稱頌禱祝之言

如歌於斯哭于斯聚國族於斯謂之善頌善禱者是矣

若知斯干為考室之辭則一篇之義簡易而通明矣○

詩記曰斯干無羊皆宣王初年之詩乃次于刺詩之後

何也蓋宣王晚歲雖怠于政然中興周室之大德豈可

以是而掩之乎故復取此二篇以終之也宣王之大雅

有美無刺大雅言大體者也論其

大體則宣王乃一世之賢君也

# 秩秩斯干

疏曰斯此也漸卦注云干謂大水之傍○今日秩秩整齊貌

幽幽南山傳

幽幽深邃也○長樂劉氏曰鎬京之

陽終南之山也○考見秦風終南

# 如竹苞矣

苞叢生也解見

生如松茂矣兄及弟矣式相好矣好去聲○箋曰式用也無相猶

矣

歐陽氏曰猶圖也謀也

鎬京臨大水對終南故宣王作室之地在秩秩然整齊之干岸面對幽幽然深遠之南山言地勢之壯也其盤基之厚如竹之叢生其結架之密如松之茂盛言宮室之美也於是頌禱之願其入居此室之後兄弟各相和好無有相圖者矣○西京賦言長安於前則終南太一猶此詩言幽幽南山於後則據渭踞涇

猶此詩言秩秩斯干西京賦祖述斯干也鎬在上林苑中此所言干謂大水之傍必鎬水也舊說宣王作室於山澗之間釋文云澗山夾水也亦溝澗然則澗是水之小者稱美天子之宮室必舉山水之大者言之無由舉小澗為發端之辭

似續妣祖

妣音七○傳曰似嗣也○箋曰妣先妣姜嫄也○曹氏曰祖豈后稷歟

築室百

堵

解見鴻鴈

西南其戶

傳曰西鄉戶南鄉戶也○疏曰天子之宮其室非一在北者南戶在東者

西戶孫毓云猶南東其取

爰居爰處爰笑爰語

箋曰爰於也

美作室而言嗣續妣祖者蓋厲王之亂百度廢墜宮室亦壞宣王既以中興王業乃築宮室以復舊觀足以見中興之盛故曰嗣續妣祖若竟土未復雖作宮室不足言嗣續矣百堵言廣且多也或西向其戶或南向其戶於是居處於是笑語焉

約之閣閣

音各○傳曰約束也閣閣猶歷歷也○蘇氏曰上下相承也

椳之橐橐

音椳

卓橐音托○疏曰椳以杵築之也○蘇氏曰橐橐杵聲也

風雨攸除

音飭○朱氏曰除亦去也

鳥

鼠攸去君子攸芋

音吁○傳曰芋大也



此章言牆垣之固也築牆之時以繩約束其板閣閣然上下相乘即所謂縮板以載也以杵築極之其聲橐橐然羣寢既成上下四旁牢密則風雨不能凌暴鳥鼠不能穿穴皆除去君子於是居焉所以為尊且

大也

曹氏曰君子雍容於其間心廣體胖是以大也所謂居移氣也

如跂斯翼

跂音起韻又音棄○釋文曰跂脚跟不着地跟音根○傳曰如人之跟踈翼耳○疏曰踈

此臂翼然○今日如論語翼如也之翼人舉踵則踈臂翼然如鳥舒翼也

如矢斯棘

歐陽氏曰棘急

也矢行緩則枉急則直謂廉隅繩直如天行也如鳥斯革

歐陽氏曰革變也

如翬斯飛

翬音輝○箋曰伊雉而南素質五色皆備成章曰翬  
○呂氏曰覆以瓦而加丹牖有文采而勢騫舉也

君

子攸躋

傳曰躋升也

此章言其堂也其上下嚴正如人跂足直立則聳臂  
翼如也其四隅如矢行棘急而直也其竦起如鳥驚  
變而悚顧也其軒翔如雉翬之飛也君子升之以視  
朝焉言其堂故曰升

殖殖其庭

殖音植○傳曰殖殖平正也  
○疏曰庭宮寢之前庭也

有覺其楹

傳曰覺高

大也○箋曰直也  
○疏曰楹柱也

噲噲其正

噲音快快正音政○箋曰噲  
噲猶快快也○疏曰寬明

快快然○呂氏曰正謂正寢

噦噦其冥

噦音誨○蘇氏曰噦噦深廣之貌○呂氏曰冥謂室之奧

寔也寔音要

君子攸寧

此章言其室也其宮寢之前庭殖殖然平正也其楹柱覺然高大也其正寢噲噲然明快也其室之冥與噦噦然深廣也君子居之而安寧謂燕息優游也言

其室故曰寧

李氏曰東坡之詩云書窻明快夜堂深

下莞上簟

莞音官○箋曰莞小蒲之席也竹葦曰簟○釋文曰草叢生水中莖圓江南以為席形似

小蒲而實非也○釋草曰莞荷藺其上蒿○疏曰郭璞云莞蒲一草之名蒲麗莞細司几筵有莞筵蒲筵麤者

在下美者在上也莞細而用小蒲竹葦曰簞者以常鋪在上宜用堅物故知竹簞也士喪禮云下莞上簞任如初則平常皆莞簞也其寢卧乃安斯寢乃寢乃興箋曰之席自天子以下宜莞簞同

興也乃占我夢吉夢維何維熊維羆音碑○疏曰釋獸云羆如熊黃白又黃白

色○郭璞曰似熊而長頭高脚猛慙多力能拔樹木慙音蚶○陸璣曰有黃羆有赤羆大於熊其脂如熊白而

羆理不如維虺維蛇虺音毀○曰虺虺也虺音福○釋熊白美也

厄反○舍人曰江淮以南曰虺江淮以北曰虺○孫炎曰廣三寸頭如拇指有牙最毒○山陰陸氏曰虺狀似

蛇而小為虺弗摧為蛇奈何舊說虺蛇起時毒在頭尾螫手則斷手螫足則斷足蛇之尤毒烈者也一日虺與

虺異螫音釋

考室之時當有頌禱之語以終之如今落成致語上  
梁文之類居室之慶莫過於子孫之繁衍此人情之  
至願故頌禱之辭曰願入此室處之後發於夢兆而  
聞子孫之祥蓋設為之辭非實有是夢也

大人占之

王氏曰當時在位之大人○曹氏曰大人則非占夢之官蓋當時之所尊信也若晉平公

夢黃熊入寢門而問諸子產晉文公夢與楚子搏而問諸子犯維熊維罴男子之祥維

虺維蛇女子之祥

心清神定則有開必先博物通達則占事知來能羅

猛獸為男之祥虺蛇陰類為女之祥昔人謂占夢無

書以意言之殆近是矣然皆設為禱辭耳

王氏曰人之精神與

天地陰陽流通故夢各以其類至先王置官觀天地之會辨陰陽之氣以日月星辰占六夢之吉凶獻吉夢贈惡夢知此則可以言性命之理矣

乃生男子載寢之牀

箋曰尊之也

載衣之裳

衣去聲○傳曰裳下之飾也

載弄之璋

音章○傳曰半珪璋臣之職也

其泣嗶嗶

音橫○疏曰嗶嗶聲大也○王

氏曰其泣之美亦所以為吉祥羊食我之生也聞其聲者知其滅羊舌氏矣食音嗣○今日東坡賀人生子詩云試教啼看定何如今人以兒初生啼聲長而大為福壽

朱芾斯皇

芾音弗○赤芾詳解見曹侯人

朱芾解見采芑○  
箋曰皇猶煌煌也

室家君王

古者男女初生即表異之男則寢之牀尊之也衣之下飾之裳臣道也弄之璋玉以他日行禮之事也皆表異其為男子也其泣聲嗶嗶然大福壽之證皆將服朱芾煌煌然而鮮明有室有家為諸侯為天子矣  
○今考大宗伯以赤璋禮南方注云圭銳象春物初生半圭曰璋象夏物半死然則圭之首銳璋則圭體之半也一圭中分則為二璋也瓚有圭瓚璋瓚瓚勺

也以圭璋為瓚之柄以裸於宗廟也有璋玉有璋瓚  
璋玉以禮神及朝聘以為瑞璋瓚以裸宗廟毛以棫  
樸奉璋為璋玉顧命太保秉璋以酢是人臣行禮奉  
璋玉之事也鄭以棫樸奉璋為璋瓚郊特牲灌以圭  
璋是璋瓚亦名璋也此生男弄璋必不用祭器之璋  
瓚當止是璋玉也孔氏引奉璋以證臣職而毛鄭於  
彼注其說不同故辯之

乃生女子載寢之地

箋曰卑之也

載衣之裼

音替○傳曰裼祿也○疏曰縛



兒被也。○蘇氏曰：即用其所衣而無加也。

載弄之瓦

傳曰：瓦紡塼也。

無非無儀

箋曰：儀善。

也。婦無所專於家事，有非非婦人也有善亦非婦人也。

唯酒食是議，無父母詒懼。

傳曰：懼憂也。

寢之地以卑之衣之裼褓以賤之弄之紡塼以習其所有事，皆表異其為女子也。婦人之事無非可譏，無善可稱，惟議酒食爾，無遺父母之憂懼。

斯干九章章七句，五章章五句。

無羊宣王考牧也。

箋曰：厲王之時，牧人之職廢。宣王始興而復之。○陳氏曰：牧者牧養蓄牲。

之牢蓄牲之多寡足以表國之盛衰故詩人於其牧成而考之作為禱頌之辭○疏曰周官有牧人下士六人府一人史二人徒六十人掌牧六牲而阜蕃其物六牲謂牛馬羊豕犬雞爾牲則具主以祭祀為重馬則祭所用者少豕犬雞則比牛羊為卑故特舉牛羊為美也

箋疏所引牧人謂牧人之官也詩所言牧人何簞笠薪蒸者謂牧養牛羊者也

誰謂爾無羊三百維羣誰謂爾無牛九十其牯

閏之平○傳曰

黃牛黑爾羊來思

今日來謂來入於牢如言牛羊下來也○李氏曰思辭也

其角濺

濺

簪之入○傳曰聚其角而息濺濺然○王氏曰和也羊以善觸為患故言其和為聚而不相觸也

爾

牛來思其耳濕濕

傳曰伺而動其耳濕濕然伺音癡。郭璞曰伺食已復出嚼之也。○山陰

陸氏曰牛病則耳燥安則溫潤而澤故古之善視牛者以耳察義所謂大夫袒而毛牛尚耳

宣王初承厲王之後六畜哀耗人皆言其無牛羊矣  
及宣王修復牧事牛羊蕃息於是作牧養之牢而落  
成之言何人謂爾宣王無羊乎每三百為一羣不知  
幾羣也何人謂爾宣王無牛乎有九十皆孳者其他  
色不可盡數也矜說其新有故拒前言無者以解其  
嘲也爾羊自外而來歸於牢則聚其角澌澌然不相

觸也爾牛自外而來歸於牢則哕而動其耳濕濕然  
牛耳潤澤則無病也羊不歸而聚則不見其角之泚  
泚牛不歸而息亦不見其哕言來皆所以見牢之成  
也故首章及之

或降于阿或飲于池或寢或訛

傳曰訛動也

爾牧來思何蓂

何筮

何河之上濁○傳曰何揭也揭音竭其謁反

或負其餼

音侯○餼乾食也解見公劉

三十維物

蘇氏曰物類也○傳曰異毛色者三十也○疏曰每色之物皆有三十謂青赤黃白黑毛

色別異者各三十也

爾牲則具

疏曰祭祀之牲當用五方之色故汝之祭索則有之

此章亦述牛羊來歸之意或降于阿或飲于池或寢  
息或訛動言此者美其無所驚畏也牧人來歸何簞  
笠以禦暑雨或齋其乾食從牛羊之所宜適以順其  
性而蕃息其牲有餘備每色之物皆有三十則祭祀  
隨索而有也

爾牧來思以薪以蒸

箋曰麓曰薪細曰蒸

以雌以雄爾羊來思矜

矜兢兢

傳曰言堅強也

不騫不崩

傳曰騫虧也崩羣疾也○王氏曰言羊得其性而無耗敗

也言羊而不言牛者羊善耗敗故也言羊不耗敗則牛可知矣

麾之以肱

傳曰肱臂也

畢來

既升

牧人晝日閒暇則於牧地采薪蒸暮則以來之歸又  
辨其畜之雌雄者視其多寡之數也爾羊來歸其堅  
強矜矜兢兢然也不騫虧不羣疾又不待箠楚驅之  
但麾之以臂皆來升入於牢言馴擾從人意也

牧人乃夢衆維魚矣旄維旟矣

旄解見出車旟解見鄘干旄

大人占

之衆維魚矣實維豐年旄維旟矣室家溱溱

傳曰溱溱衆也

考牧之詩亦當有頌禱之語以終之宣王承饑饉離

散之後所願者年豐而民庶也故就牧事上設為牧人之夢非牧人實有是夢也魚麗為萬物盛多之象故為豐年禋祀所以聚衆故為人民蕃庶皆設辭以頌禱耳箋疏謂牧人得此夢而獻於王非也

無羊四章章八句

詩緝卷十九

謹案卷十八第八頁後七行八行又有邪蒿萋蒿  
之名刊本之訛也今改

第九頁前一行灤灤露蕃貌刊本蕃訛番據詩毛  
傳改

第十二頁後六行饗則如其獻數刊本獻訛命據  
毛詩疏改

第十七頁後六行闕車之萃萃車之萃刊本闕訛  
闕萃訛并據周禮改



第二十頁前一行箋曰鎬也刊本也訛地據毛詩

箋改

第二十五頁前一行天子六軍出于六鄉刊本鄉

訛鄉今改

第三十頁後八行以織毛褐布纏通帛旃之竿刊

本脫毛字纏訛織據毛詩疏增改

第三十四頁後五行用辭讓也刊本用訛曰據毛

詩疏改


第三十五頁後五行釋天云刊本天訛文據爾雅  
改

卷十九第二頁後一行謂接五堵成一雉刊本接  
訛按據毛詩疏改

第三頁前八行其司烜之屬所為乎刊本烜訛恒  
據周禮改

第十八頁後二行升屋自中中屋南面封羊刊本  
脫一中字據禮記雜記增

[illegible]



總校官庶吉士臣侍朝

校對官中書臣潘奕雋

膳錄監生臣黃熙純

膳錄監生臣陳太初

欽定四庫全書薈要

經部

詩緝卷二十一



欽定四庫全書薈要卷一千二十

經部

詩緝卷二十

宋嚴粲撰

節南山之什

小雅

釋文曰從此至何草不黃凡四十四  
節南山節如字又音截○詩記曰按左傳韓宣子來聘

萬邦之義然則此家父刺幽王也  
字周大夫也○疏曰  
詩在古止名節也

春秋之例天子大夫稱字桓七年天王使家父來求車  
上距幽王之卒七十五歲古人以父為字或累世同之

幽王宮涅宣王子○項氏曰幽王時為亂者皆宣王時  
故家率犬戎以攻幽王者崧高之申伯也為趣馬以亂

朝者韓奕之蹶父也為卿士而貪殘擅政為大師而運民誤國者常武之皇父尹氏也四人雖未必皆其身亦必無皆死之理以此知人才維上所用唐之裴矩即隋之佞人魏之華歆即漢之名臣也

節南山刺師尹所為不平專援引小人也宣王在位四十六年大雅所美諸臣皆初年輔佐中興者幽王時未必存蓋皆其子孫也

節彼南山

傳曰節高峻貌○曰維南山也考見秦風終南

維石巖巖

傳曰巖巖積石貌

赫赫師尹

傳曰赫赫顯盛貌尹氏為大師大音泰○李氏曰春秋書尹氏卒譏世卿也其後尹氏立

王子朝則尹氏之為世卿其來甚久

民具爾瞻

傳曰具俱也瞻視也

憂心如惓

音談又音

炎○傳曰悵燔也○不敢戲談國既卒斬

卒子律反○朱氏曰卒終

也○蘇氏曰斬絕也何用不監

平聲○箋曰監察也

首章言師尹失民望也興也鎬京面對終南故以所  
見起興言節然高峻之終南山其積石巖巖然為國  
之望猶赫赫然顯盛者是太師尹氏民俱瞻仰之也  
職位之重如此宜有以副天下之望今民見其所為  
皆憂心內熱如火之悵燔至不敢戲言懼其以疑似  
而加謗誹之罪也是時周雖未亡而終歸於亡矣王



何不察也。○常武王謂尹氏箋云：尹氏，天子世大夫也。宣王時，尹氏為內史。幽王時，為大師者，非子則孫耳。

節彼南山，有實其猗。

音伊。○蘇氏曰：山之實，草木是也。○傳曰：伊，長也。○疏曰：綠竹猗猗。

是草木長茂之貌，故為長也。

赫赫師尹，不平謂何。天方薦瘥。

薦音荐，瘥音醜。

才何反，讀作切。磋之音者，非。○傳曰：薦，重也。瘥，病也。○疏曰：薦與荐文異義同。

喪亂弘多。

傳曰：弘，大。

也。

民言無嘉，憯莫懲嗟。

憯，驂之上。○錢氏曰：憯，痛也。

次章言師尹之病在於不平也。山之高峻，其氣平均。

如一則草木之生於其上者無不猗然而長今汝師  
尹其勢非不赫赫然顯盛其如不平何謂其職位如  
山之高峻而不能如山之生物均平也由汝所為不  
平故天方降此荐至之病死喪禍亂甚大而且多是  
天怒也方者言方來未已也民無善言惟聞怨讟是  
人怨也此可憐痛而不懲創嗟閔無改悔之意也○  
禮言冢宰均邦國書言冢宰均四海大臣之事唯在  
均平公溥也此詩原幽王之辭由於師尹究師尹之

惡在於不平而已下言秉國之均昊天不脩式夷式已君子如夷既夷既懌昊天不平皆此意也

尹氏大師

大音泰

維周之氏

音抵

○傳曰氏本也○解頤新語曰爾雅云氏星名天根

也說者謂亢下繫於氏如木之有根字不必作抵

秉國之均

傳曰均平也

四方是維

天子是毗

音皮○箋曰毗輔也

俾民不迷不弔昊天

弔如字○朱氏曰弔慙也

○李氏曰此所謂不弔昊天正如書所謂不弔左氏傳成七年吳伐郢郢成季文子曰中國不振旅蠻夷入伐而莫之或恤無弔者也夫遂引此詩弗弔昊天之言為證襄十三年吳侵楚喪君子以吳為不弔亦引此章不弔昊天杜氏注云不為昊天所恤則不弔為不恤明甚

不宜空我師

空音控○朱氏曰不宜久

在曠我大  
師之官

三章言大師重任惟在均平尹氏不平不稱其任也  
尹氏為大師國之安危所基是周之根本也爾秉持  
國之均平不宜有所偏私能均平則外以維持四方  
內以毗輔天子使民不迷惑矣今師尹所為不平民  
無所赴愬唯呼天而告之曰昊天不見愍弔乎不宜  
曠我大師之官也非其人而處其位與無人同故謂  
之空東萊書說云非無其人之為曠而非其人之為

曠也

弗躬弗親

釋文曰弗不也

庶民弗信弗問弗仕

今日仕謂官使之也下文有撫

仕一章二仕

勿罔君子

釋文曰勿莫也

式夷式已

式微箋曰式發聲也○傳

字當歸一

曰夷平也○王氏曰已廢退也○今日論語三已之孟子士師不能治事則已之

無小人殆

傳曰

殆危也○今日

瑣瑣姻亞

傳曰瑣瑣小貌○釋親曰壻之父為姻婦之父為壻兩壻

論語佞人殆

相謂為亞○

劉熙釋名曰一人取姊一人取妹相亞次也

則無撫仕

撫音武○傳曰撫厚也

四章言師尹之不平在於遠君子而任小人也師尹

於政事不躬為之不親臨之而信任非人庶民不信

之也此由所見之偏謂君子徒有虛名而無實用也  
然君子豈真不可用哉特不用之耳既不詢問之不  
官使之勿誣罔君子以為不可用也小人豈真可用  
哉聽之則其言若可喜而用之則必敗乃事當平其  
心勿偏信之察知其姦則廢退之無信用小人而至  
於危其國也瑣瑣然么麼之姻亞無以親暱而厚任  
用置之大位也大臣官使人材當昭布公道乃於君  
子則弗仕唯姻亞則膴仕所謂不平也都人士彼君

子女謂之尹吉鄭氏以為尹氏周室昏姻之舊姓然則此尹氏憑藉昏連王室以處大位如後世外戚擅權者瑣瑣姻亞則其所引親黨也○舊說以君子指王非也此君子正對下文小人言之謂人之邪正也君子所見者遠若迂闊若遲鈍世每訕笑之以為不可用不知用之則安富尊榮小人所見者近敏捷可以集事諛佞可以悅意世主每甘心焉不知小人用則國危矣勿誣罔君子以為不可用勿信任小人以

自取危殆文意瞭然權姦欲擯斥君子君子無罪可

指唯以好名無實排之所以罔君子者千載一揆也

昊天不傭

音衡○傳曰傭均也○今考字一音容傭賃也此讀作容音非

降此鞠訕

音菊

凶○朱氏曰鞠窮也訕亂也○今曰釋文云訕訟也衆語也衆語訕訕亂之象也項籍傳天下匈匈師古云謹

擾之意匈匈即訕也

昊天不惠

今日惠愛也惟天惠民今不惠也

降此大戾

音麗○箋

曰戾乖也

君子如屆

音戒○今日君子即上文君子也○箋曰屆至也

俾民心闕

苦穴

反○傳曰闕息也

君子如夷

箋曰夷平也

惡怒是違

蘇氏曰違遠也

五章言唯用君子可以已亂也民罹師尹之害而歸



之於天曰昊天不傭均而降此窮極之亂昊天不惠  
愛而降此大乖戾謂天生小人以禍天下也所以救  
此禍者唯在用君子而已幽王信用小人故君子去  
之君子若至則民心自息矣君子若平夷其心則民  
心之惡怒皆遠矣所患君子不至耳至則所為必平  
夷刺師尹不平也

不弔昊天亂靡有定式月斯生俾民不寧憂心如醒

音呈

○傳曰病酒曰醒○今  
日猶忪離言中心如醉

誰秉國成不自爲政卒勞百姓

六章憂亂也呼天而告曰不見愍弔乎昊天也亂未  
有所定日月愈生亂益甚也使民不得安寧我憂心  
如病酒而不醒矣國之有成乃法度紀綱一成而不  
可變人主所操執天下所遵守者今誰秉持之乎師  
尹實秉持之而乃不自為政信任姻亞羣小用事終  
勞苦我百姓也

駕彼四牡四牡項領

傳曰項大也

我瞻四方蹙蹙靡所騁

蹙音

足騁音逞○箋曰蹙蹙縮小之貌

七章思避亂也家父知禍亂之將作思欲駕此四牡  
而去之其四牡大領非不肥壯然我視四方蹙蹙然  
縮小無可馳騁之地是以留而不去蓋世亂則一身  
無所容若見天地之狹如唐人詩云出門即有礙誰  
謂天地寬也彼特為一身言之此則為天下國家言  
之也

方茂爾惡

朱氏曰茂盛也

相爾矛矣

相去聲○箋曰相視也

既夷既懌

音亦

如相醕矣

醕音讎韻亦作酬

八章言小人情狀也小人方茂其惡謂盛怒之時則相視其矛戟如欲持之以相殺傷此由不能平其心也若能夷平悅懌則同僚相與歡然如賓主之相醕酢何至相疾如仇讎哉○此詩式夷式已君子如夷皆言君子則既夷既懌亦規之以善也舊說夷懌為小人喜怒不常今不從

昊天不平我王不寧不懲其心覆怨其正

九章十章推原亂本在於王心也師尹不平而歸之

於天言天實為此不平者謂天生小人也即上章所謂昊天不傭也天下不寧而歸之於王言王實為此不寧者謂王任小人也即上章所謂俾民不寧也王信任小人由其心之蔽惑今王心不自懲創而反怨正救之者言不能從諫改過也○不懲其心即下章式訛爾心承我王言之指王心也舊說不懲其心指尹氏式訛爾心乃指王今以為皆指王

家父作誦

今日誦歌誦也僖二十八年左傳云聽輿人之誦注聽其歌誦

以究王訟

箋曰

究窮

式訛爾心

箋曰訛化也

以畜萬邦

畜許六反○箋曰畜養也

家父自顯其字云已作此歌誦以窮究王致訛亂之

由乃是王心之未回王庶幾改化其心以養萬邦謂

心一悔悟則本原既正而萬物皆理矣師尹安得容

其姦乎

陳氏曰尹氏厲威使人不得戲謔而家父既作詩復表其詩出於己以身當尹氏之怒而

不辭者蓋家父周之世臣義與國俱存亡故也○李

氏曰人不足與適也政不足與間也惟大人為能格

君心之非蓋用人之失政事之過雖皆君之非然不

必先論也惟格君心之非則政事無不知善矣用人

皆得其當矣○詩記曰致亂者雖尹氏而用尹氏者則王心之蔽也

節南山十章六章章八句四章章四句

正月

正音政

大夫刺幽王也

項氏曰正月將亂之時君子憂之雨無正既亂之後君子

去之

正月憂亂之作也

正月繁霜

傳曰正月夏之四月○解頤新語曰或疑四月不應有霜考之漢武帝元光四年四月隕

霜殺草晉武帝咸寧九年四月隕霜傷粟麥

我心憂傷民之訛言

箋曰訛偽也○詩記

曰凡譁張為幻以罔上惑衆者皆謂之訛言

亦孔之將

傳曰將大也

念我獨兮憂

心京京

王氏曰京大也

哀我小心癩憂以痒

癩音鼠痒音羊○呂氏曰癩憂

幽也與下鼠思泣血文雖小異義亦同也。○長樂劉氏曰鼠病而憂在于穴內人所不知也。○傳曰痒病也

正月建巳純乾用事正陽之月也當長養之時乃有繁多之霜肅殺之氣災變甚異我心覩此已憂傷矣民又出訛偽之言所言甚大繁霜則天令乖訛言則民思亂而君臣上下安其危而利其菑曾不覺悟念我孤特一人為王憂之京京然其憂甚大謂憂國將亡而非一己之私憂也哀哉我小心畏謹幽憂而至於痒病也已獨憂之而衆皆不察故謂之幽憂



父母生我胡俾我瘡

音度。傳曰瘡病也。

不自我先

蘇氏曰自從也。

不自

我後好言自口莠言自口

莠音酉。王氏曰莠惡也。穀謂之善則莠惡可知也。○今

曰與巧言出自口矣同意

憂心愈愈

蘇氏曰愈愈益甚之意

是以有侮

人窮則呼父母言父母生我何為使我瘡病乎不出

我之前不居我之後適當其時是我生之不幸也好

言謂說好莠言謂說惡訛言之人說惡惟其口之所

出本非由中之言無真實也我見其變亂是非將有

禍敗憂心愈愈然益甚而小人反見侮謂我為張皇

過慮也

憂心惇惇

音瓊○王氏曰惇惇獨也

念我無祿

陳氏曰祿福也無祿猶言不幸也○今日

左傳無祿獻公即世

民之無辜并其臣僕

并音併○朱氏曰并俱也箕子云商其淪喪我

罔為臣僕

哀我人斯于何從祿

今日即上文無祿之祿

瞻烏爰止于誰

之屋

惇惇然獨憂念我之無福也遭國將亡民之無罪辜者皆將見虜以為臣僕矣哀我今之人將復於何所而獲福乎瞻視烏烏之飛不知其將止於誰之屋喻

民將歸於誰君乎郭林宗曰不知瞻烏爰止于誰之

屋耳

瞻彼中林

傳曰中林林中

侯薪侯蒸

箋曰侯維也○薪蒸解見無羊○蘇氏曰其殘

之也甚矣大家世族散為皂隸亦猶是也

民今方殆視天夢夢

音蒙○釋訓曰夢夢亂也

○錢氏曰無聞知也

既克有定靡人弗勝

鄭如字毛音升

有皇上帝

朱氏曰皇

也伊誰云憎

興也林以竹木叢聚得名宜有喬木今斧斤伐之所

存唯薪蒸喻虐政所殘其民凋弊也方民之危殆無

所赴訴視天若夢夢然罔聞知此特天之未定耳少  
焉天定則福善禍淫人未有不為天所勝者惟皇上  
帝所憎者誰歟天之所以為大非有所憎其為天所  
勝者皆人自取禍耳

謂山蓋卑為岡為陵民之訛言寧莫之懲召彼故老訊

之占夢

訊音信○傳  
曰訊問也

具曰予聖誰知烏之雌雄

山則高矣而或謂山為卑然有為山脊之岡者有為  
大阜之陵者而謂之卑可乎喻小人訛言變亂是非

以賢為否如此而王曾不懲止之乃召彼宿舊元老  
但問之占夢之事其所問不急也李義山詩云可憐  
夜半虛前席不問蒼生問鬼神亦此意也君臣迷甚  
皆自謂聖如烏鳥之雌雄無以相別也

歐陽氏曰凡禽鳥之雌雄

多以其首尾毛色不同而別之烏之首尾毛色雌雄不異人所難別○詩記曰孔叢子子思言於衛侯曰君之國事將日非矣公曰何故曰有由然焉君出言自以為是而卿大夫莫敢矯其非卿大夫出言亦自以為是而士庶人莫敢矯其非君臣既自賢矣而羣下同聲賢之賢之則順而有福矯之則逆而有禍如此則善安從生詩曰具曰予聖誰知烏之雌雄抑似君之君臣乎

謂天蓋高不敢不局

傳曰局曲也。疏曰曲身也。

謂地蓋厚不敢不

踏

音積。傳曰踏累足也。說文曰小步也。

維號斯言

號音豪。釋文曰號大呼也。

有倫

有脊

傳曰倫道脊理也。

哀今之人胡爲虺蜴

音毀亦。虺蜴也。解見斯干。今考

蜴蜴上音析下音亦陸於此蜴星歷反字又作蜥是以蜴爲蜥也誤矣。釋魚曰蝮蝮蜥蜴蜥蜴守宮也。

蝮音榮蝮音元蝮音演蜥音殄。釋曰說文云在草曰

蜥蜴在壁曰蝮蜥方言云秦晉西夏謂之守宮其在澤

中者謂之蜥蜴南楚謂之蛇醫或謂之蝮蝮東方朔云

非守宮則蜥蜴案此諸文是在草澤中者名蝮蝮蜥蜴

在壁者名蝮蜥守宮也博物志云以器養之食以真

朱擣萬杵以點女人體終身不滅耦則落故號守宮

人謂天為高而我不敢不曲身偃僂而行懼壓也人

謂地為厚而我不敢不累足小步而行懼陷也天地  
必無壓陷喻身處亂世禍出意外不可謂必無之事  
而不懼也我大呼而出此言人孰不疑其言之過然  
實則有倫有脊何也蓋當時羣小肆毒以害人無所  
不至不可不慮故言可哀今之人何故為虺蜴之行

務欲傷害人乎

詩記曰家語云孔子讀詩至于正月  
六章惕然如懼曰彼不達之君子豈

不殆哉從上依世則道廢達上離俗則身危時不興  
善己獨由之則曰非妖即妄也故賢者既不過恐不  
終其命焉桀殺龍逢紂殺比干皆是類也詩曰謂天  
蓋高不敢不局謂地蓋厚不敢不踣此言上下畏罪

而無所  
自容也

瞻彼阪田

阪音反○箋曰阪田崎嶇峻峭之處

有苑其特

苑音鬱○小弁疏曰苑茂也

釋文曰特獨也

天之杌我

杌音兀○傳曰杌動也

如不我克

箋曰克勝也

彼求

我則如不我得執我仇仇

釋文曰仇讎也

亦不我力

朱氏曰力猶用力也

視彼險阪瘦薄之田而有鬱然特盛之苗天又為風

雨以杌動之惟恐其不勝猶昏亂之朝君子孤立而

小人多方以攻之也小人初用事則以賢者有譽望

而援引之以美觀聽所謂求我以為法徒好名耳非



真有任賢之心也其始求我唯恐不得既而議論不合則空執留之視為仇讎不用力於我矣知賢當力薦之既用當力主之庶賢者得展所蘊今不我力則貌敬而情踈賢者之迹不安矣安能當羣小之攻乎重言仇仇者言不一仇之無往而不忤其意枘鑿不相入薰蕕不同器也鄭氏云有貪賢之名無用賢之實是也

心之憂矣如或結之

䟽曰結纏結也

今茲之正

王氏曰邪正之正

胡然

厲矣

李氏曰厲危也

燎之方揚

燎音療○箋曰火田為燎

寧或滅之赫赫宗

周

傳曰宗周鎬京也

褒姒威之

褒保之平姒音似威音血○傳曰褒國也姒姓也威滅也

我心之憂如有纏結之者其憂不可解也所憂者以

今之正道何其危也邪道勝則正者危君子不安也

火之燎于原其勢方盛寧有能滅之者今赫赫然昌

盛之宗周褒姒乃以一婦人而滅之是可傷也時未

滅而知其必滅也

歐陽氏曰此詩上七章皆述王信訛言亂政至此始言滅周主於褒

姒者謂王溺女色而致昏惑推其禍亂之本以歸罪也

終其永懷又窘陰雨

窘羣之上濁傳曰窘困也

其車既載乃棄爾

輔

疏曰輔是可解脫之物蓋如今人縛杖於輻以防輔車

載輸爾載

箋曰輸輶也輶音麾

將

伯助予

將音鏘○傳曰將請也伯長也

周之將亡如火之將滅矣我永思其終又如行道之

遇陰雨其車既重載乃棄其車輔如此則必陷於泥

濘隳敗其車中之所載然後請長者助我已不及事

矣喻平時棄賢不用國危而後求賢則已晚矣

無棄爾輔員于爾輻

員音云輻音福○傳曰員益也○朱氏曰輔所以益輻也○釋文曰

輪轆也轆音老○今日冬官  
輪人云輻也者以為直指也  
屢顧爾僕箋曰屢數也僕將車者也不

輸爾載終踰絕險曾是不意

喻王勿棄其車輔以益其輻又頻顧視將車之僕戒  
勅之庶幾不隳敗爾之所載奈何終踰絕險之地曾  
不以為意而覆敗必矣

魚在于沼傳曰沼池也亦匪克樂音洛潛雖伏矣亦孔之炤音灼

○箋曰炤易見也  
憂心慘慘慘之上○傳曰慘慘猶戚戚也念國之為虐

魚相忘於江湖者也今在于池沼非其所樂矣喻君

子立於衰亂之朝亦非所樂也魚之深潛雖云藏伏  
然沼之水淺亦甚炤然易見無所逃於網罟之害喻  
君子雖自韜晦亦未必能避患也然君子不專為一  
身之安危其憂心慘慘然愁戚者唯念國之行虐政  
而民罹其害耳

詩記曰文中子遊馬頰之谷遂至牛首之谿登降信宿從者樂姚義賓威

進曰夫子遂得潛乎文中子曰潛雖伏矣亦孔之炤  
威曰聞朝廷有召子議矣文中子曰彼求我則如不  
我得執我仇仇亦不我力義曰其車既載乃棄爾輔  
威曰終踰絕險曾是不意文中子喟然遂歌正月終

焉既而曰  
不可為矣

彼有旨酒又有嘉穀洽比其鄰

比音備○傳曰洽合也○疏曰比親比也

昏

姻孔云

昏姻解見節南山○王氏曰云稱說其善也

念我獨兮憂心慙慙

傳曰

慙慙然

痛也

彼小人也小人有旨酒嘉穀以和洽親比其鄰里親

戚昏姻其言云云甚稱譽之而我孤獨自傷憂心慙

慙然痛者哀小人之樂其憂也

李氏曰昔人有言曰燕雀處堂母子相安

自以為樂也突決棟焚而子母恬然不知禍之將及也今國勢如此而小人之徒乃羣居飲酒以相樂殆

燕雀之類也

此此彼有屋

此音此○傳曰此此小也○錢氏曰此此屋之小也

藪藪方有穀

藪音

速○傳曰藪藪陋也○錢氏曰藪藪穀之小也

民今之無祿天夭是極

天平聲極音卓

○朱氏曰極害也

哿矣富人

哿歌之上○傳曰哿可也

哀此惻獨

厲王之亂民之室廬蓄積蕩然矣宣王勞來還定於

是彼有此然之小屋方有藪藪然之少穀正望繼

其後者愛養培植之今乃不幸又逢幽王之亂是天

為天孽以極害之也富人猶可惻獨可哀矣

李氏曰哀亂之

世要其極也貧富俱受其禍此言一時之虐政富者之財猶可以勝其求貧者愈不堪也

正月十三章八章章八句五章章六句

十月之交大夫刺幽王也

疏曰毛以為刺幽王鄭以為刺厲王毛公大儒明於詁訓

篇義誠自刺厲王無緣橫移其弟改為幽王○李氏曰鄭氏以十月之交雨無正小宛皆當為刺厲王之詩蓋以此篇之中疾豔妻煽方處又幽王之時司徒乃鄭桓公友非此篇之所云番維司徒故以此為厲王之詩蘇氏以為不然鄭桓公在幽王時與番維司徒先後用事又褒姒以色居位謂之豔妻其誰曰不可當從此說觀鄭氏以詩所言褒姒與番維司徒為厲王之詩其下兩無正小宛小宛亦以為厲王其意以謂四序皆言大夫疑是一人之作其說未之敢信也

十月之交刺用七子以致災變也



# 十月之交

故謂之陽月純陽而食陽弱之甚純陰而食

陰壯之甚○傳曰交日月之文會○疏曰謂朔日也

朔月辛卯日有食之

疏曰日食者月

食之也何休云不言月食之者其形不可得而觀故疑言日有食之周天三百六十五度四分度之一日月皆右行於天一晝一夜日行一度月行十三度十九分度之七二十九日有餘而月行天一周追及於日而與之會交會而日月同道則食月或在日道表或在日道裏則不食矣又歷家為交食之法大率以百七十三日有奇為限然月先在裏則依限而食者多若月在表則依限而食者少杜預見其參差乃云日月動物雖行度有大量不能不少有盈縮故有交會而不食者或有頻交而食者此得之矣○歐陽氏曰日君道也月臣道也望而至於黃道是謂臣壅君明則陽為之蝕十月之交於歷當蝕君道是謂臣壅君明則陽為之蝕十月之交於歷當蝕君

子猶以為變詩人悼之然則古之太平日不蝕星不孛  
蓋有之矣若過至未明月或變行以避之或五星潛在  
日下禦侮以救之或涉交數淺或在陽歷陽盛陰微則  
不蝕或德之休明而有小眚焉則天為之隱雖交而不  
蝕四者皆德之所由生也先儒又謂交而食陽微而陰  
乘之也交而不蝕陽盛而陰不能掩也此則係乎人事  
所感蓋臣子背君父妾婦乘其夫小人陵君子蠻夷侵  
中國所感如是則陰盛陽微而日為之食矣○李氏曰  
唐書志云以歷推亦孔之醜傳曰醜惡也彼月而微箋曰微不明也  
此日而微朱氏曰晦朔而日月之合東西同度南北同  
度同道則月亢今此下民亦孔之哀  
日而月為之食

首章言日食之變也十月建亥日月交會當月之朔

其日辛卯日為之食以純陰之月而日復為月所掩  
見陰壯之盛此其為變亦甚醜惡矣蓋彼月食而不  
明未為醜此日食而不明則為醜也傷敗將至災異  
先出故此下民將罹其禍而可哀也○鄭氏以十月  
為周正乃夏之八月詩皆夏正獨以此為周正可乎  
四月維夏六月徂暑夏正之明證也況此十月日食  
在幽王之六年鄭氏失考耳

日月吉凶不用其行

箋曰行道廢也不用之者謂相干犯也○朱氏曰不用其行者月不

避日失其道也

四國無政不用其良彼月而食則維其常此日

而食于何不臧

朱氏曰陰亢陽而不勝猶可言也陰勝陽而揜之不可言也

次章言天災人禍相會也日月告以凶證而不由其道謂月揜日也四方無政事而不用其善謂暴亂又作也因天變而修人事則可以轉災為祥今天變既如彼人事又如此郭林宗所謂夜觀乾象晝察人事天之所廢不可支也此主言日食而云日月告凶者謂月侵於日而食也日月之食皆為變然以陽侵陰

獨為常事以陰侵陽何其不善也

燿燿震電

燿音葉○傳曰燿燿震電貌震雷也

不寧不令

去聲○朱氏曰令善也十月而

雷電山崩水溢災異之甚

百川沸騰

傳曰沸出也騰乘也

山冢萃崩

萃徂恤反濁音也讀

作遊之入次清音非○傳曰山頂曰冢○箋曰萃者崔嵬○釋曰山巔之末其峰巉巖○今日漸漸之石維其

卒矣卒與萃同高岸為谷深谷為陵哀今之人胡憯莫懲

憯驂之上

○錢氏曰憯痛也

三章言日食之後災異荐至也雷電燿燿然者常也而十月見之則不安不善是天道乖矣百川之水皆

沸溢而相乘山頂峩然崔嵬者又皆崩落高岸陷為  
深谷深谷出為高陵又皆於十月見之是地道亂矣  
變異荐臻哀哉今幽王君臣何為處可痛而莫懲創  
也

皇父卿士

父音甫○箋曰皇父字也○今日皇父家伯仲允三人皆不著其姓也蓋其妻黨隱三年

左傳云鄭武公莊公為平王卿士注云卿士王卿之執政者

番維司徒

箋曰番氏也

家伯

冢宰

箋曰冢伯字也冢宰也

仲允膳夫

箋曰仲允字也膳夫上士也掌王之飲食膳羞

聚

子內史

聚音鄒○箋曰聚氏也內史中大天也掌爵祿廢置殺生予奪之法

蹶維趣馬

蹶音

蹶趣葛之上○箋曰蹶氏也○今日夏官趣馬下士注云趣養馬者也

橘維師氏

○橘音矩

橘氏也師氏中大夫也掌司朝得失之事

豔妻煽方處

豔音焰煽音扇處音杵○傳曰豔妻褒姒

也美色曰

豔煽熾也

四章言致災由任羣小也故歷數其人有字皇父者為卿士而執政番氏為司徒字家伯者為冢宰字仲允者為膳夫聚氏子為內史蹶氏為趣馬橘氏為師氏此七子者以豔妻褒姒其勢熾盛之時依附以進身方處勢位未有轉動則災異無消去之理矣羣小

根據必有內寵主之所以難去也

抑此皇父

朱氏曰抑發語辭

豈曰不時

陳氏曰不問其非時

胡爲我作

朱氏

曰作動也

不卽我謀

朱氏曰卽就也

徹我牆屋田卒汙萊

音烏來○朱氏曰卒

盡也○傳曰下則汙高則萊○疏曰汙者池停水之名

禮記云汙其宮而瀦焉是也萊者草穢之名皇父以親

寵封於畿內既封卽築都邑令邑人居之役之不以時

先毀牆屋而後令遷邑人廢其家業故述其情以告之

曰予不戕

今日曰升傍從戈者音牆殺也殘也登音弓

禮則然

矣

五章六章專言皇父首惡也用民之力當於農隙抑



此皇父所為豈肯言其非時乎何為動我以遷徙而不先就我謀乃徑徹毀我之牆屋使我田不獲治下者盡為汙池高者盡為草萊乃曰我不戕殘女下供上役禮則然矣古者興功動衆謀及庶人順民心也

皇父孔聖作都于向

商之去○傳曰向邑也○疏曰左傳說桓王與鄭十二邑向在其中

杜預云河內軹縣西有地名向土則向在東都之畿內也○朱氏曰向今孟州河陽縣是也

擇三有

事

傳曰三有事國之三卿○疏曰皇父封於畿內當二卿今立三有事是增一卿以比列國也

亶侯

多藏

去聲○傳曰亶信侯維也

不憖遺一老

憖銀之去○釋文曰爾雅云憖強也且也

俾

守我王擇有車馬以居徂向

幽王君臣具曰予聖故皇父亦以聖自居詩人因其  
自聖而譏之謂爾皇父甚聖矣其作都邑於所封之  
向邑擇立三卿已非畿內之制又所擇者信維聚斂  
多藏之人其作向邑既成令公卿大夫盡往送之不  
彊留一老使之守衛我王又擇民之富有車馬者以  
徃向邑而居知有私邑不復知有王室皇父所謂孔  
聖者如此

黽勉從事

黽音泥

不敢告勞無罪無辜讒口嚶嚶

音趨○箋曰嚶

嚶衆多貌

下民之孽

音蘭○疏曰孽災害也

匪降自天噂沓背憎

噂沓背音

搏踏佩○傳曰噂猶沓沓猶沓沓○說文曰噂聚也○陳氏曰噂聚談也○蘇氏曰沓重複也

職競

由人

傳曰職主也

七章言已被讒也已自勉以從王事固不敢告勞以

言功也無罪無辜而讒口嚶嚶然衆多是將求免其

過而不可得也下民之災害非自天降噂沓背憎

沓重複多言以相悅而背則相憎專力為此者人也

悠悠我里

箋曰里居也○王氏曰我所居里○今日悠悠達也里鄉里也周禮五鄰為里

亦孔

之悔

音昧又音悔○傳曰悔病也

四方有羨

延之去○傳曰羨餘也○今日此羨訓餘當作

余箭反諸本作徐箭反則訓慕誤也

我獨居憂民莫不逸我獨不敢休天

命不徹

王氏曰徹通也

我不敢傲我友自逸

八字句

八章言已欲去不得也仕不得志則思其鄉里悠悠

然道遠而未得歸亦甚病矣已不得去故慕得去而

在外者謂彼四方之人皆有羨餘我獨居此憂愁之

地民莫不得優游自逸我獨不敢休息天命不通無

可奈何勉之而已不敢傲我友自逸潔身而去也○

觀雨無正昔爾出居知幽王之時大夫有出外避禍

者此詩末章與雨無正末章意同皆不得去羨已去

者

疏曰其友與王無親故舍王而去已則王之親屬故不敢傲也

十月之交八章章八句

雨無正

政音

大夫刺幽王也雨自上下者也衆多如雨而

非所以為政也

歐陽氏曰古之人於詩多不命題而篇名往往無義例其或有命名者則必述

詩之意如巷伯常武之類是也今雨無正之名據序曰雨自上下者也言衆多如雨而非政也今考詩七章都

無此義與序絕異當闕其所疑。○劉諫議曰嘗讀韓詩有雨無極序云雨無極正大夫刺幽王也比毛詩篇首多雨無其極傷我稼穡八字。○補傳曰詩之命名皆摘取詩中之語獨雨無正巷伯常武酌賚般六篇特出詩人之意非有序以發之雖孔子亦不能知其為何詩也韓詩篇首多二句是詩前二章皆十句加以二句已不可信據今序之文以求詩人之言亦可見非所以為政之意

此詩刺刑罰不中忠言不用遂致人心離散所謂衆多如雨也或以此詩名而疑序且詩名不用詩語者多矣何獨此詩也

浩浩昊天

浩音藁又音鎬昊音鎬○王氏曰浩浩廣大流通之意○今曰釋文云浩浩大水貌

不

駿其德

駿音峻。傳曰駿長也。

降喪饑饉

音僅。傳曰穀不熟曰饑。蔬不熟曰饉。

斬

伐四國旻天疾威

旻音閔。

弗慮弗圖舍彼有罪

舍音捨。

旣伏

其辜若此無罪淪胥以鋪

平聲。傳曰淪率也。箋曰胥相也。鋪徧也。

首章言刑罰不中也人窮則呼天曰浩浩然廣大之

昊天何為不駿長其德乃降喪亂饑饉以斬伐天下

也既生之乃斬伐之是其德不長久也天既迅烈威

虐王當恐懼修省庶可以回天意今乃不思慮不圖

謀彼有罪而伏辜者姑捨勿論若此無罪者而使之

淪率相引而鋪徧皆得罪焉何其無分別也

周宗既滅靡所止戾

傳曰戾定也

正大夫離居

箋曰正長也○王氏曰周

官八職一曰正

莫知我勩

音曳○傳曰勩勞也

三事大夫

李氏曰徐安道

六官之長是也

以謂周官云三事暨大

莫肯夙夜邦君諸侯莫肯朝夕

夫舉三公及大夫也

朝如字又音潮○錢氏

庶曰式臧覆出爲惡

傳曰覆反也

曰朝朝見也夕暮見也

次章言人心離散也周之宗族既滅將有易姓之禍

天下未有安定也周時雖未滅而敗壞之極知其必

滅也正大夫六官之長也此作詩之大夫言其長離



居去位以避其禍莫知我之從王而勞勩也又三公  
及其餘大夫莫肯夙興夜寐以勤王事者邦君諸侯  
莫肯朝暮省王者人心離散國危至此庶幾曰王今  
改過用善乃反出而為惡威虐愈甚也

如何昊天辟言不信

辟音闢○傳曰辟法也

如彼行邁

釋文曰邁速行也

則靡所臻

朱氏曰臻至也

凡百君子

箋曰謂衆在位者

各敬爾身胡不

相畏不畏于天

三章言己忠言不用也君子見王不悛呼天而告之

曰如何乎昊天我之告王者皆法度之言王終莫肯  
信不信法度之言則必信非法之言如人迷途而遠  
行俵俵然我不知其所至矣既已憂之則又告其衆  
在位之君子言羣臣當自敬其身勿苟合以長其惡  
今何為上下不相畏乎不畏人是不畏天也

戎成不退

傳曰戎兵也

饑成不遂

傳曰遂安也

曾我誓御

誓音薛○箋曰

曾但也○傳曰誓御侍御也○今曰曾則也但亦則之意音如字

懔懔日瘁

懔勝之上瘁音萃○

傳曰瘁病也

凡百君子莫肯用訊

箋曰訊告也

聽言則答諧言則

退

四章言羣臣無忠告也兵戎之禍已成而其勢不退  
言外患之熾也饑困之災已成而其生不遂言內憂  
之迫也但我摯御小臣懔懔憂之日益瘁病而衆在  
位之君子莫肯以禍亂將至告王者至於聽人之言  
則應答之謂聽人言時事則已酬應之以為信然是  
其心非不知亂之將至也但私議於所親厚而不以  
告王耳人有譖言及已則奉身而退矣

哀哉不能言匪舌是出

吹之去

維躬是瘁哿矣能言

哿歌之上

○傳曰  
哿可也

巧言如流俾躬處休

五章斥巧佞也幽王惡直言而好巧言哀哉賢者之不能言謂能直言而不能巧言也惟不能巧言以阿上意故言則忤物非出於舌而但已也將躬受其病矣謂言出而禍隨也可矣小人之能言者巧佞之言如水之流無所凝滯使其身處於安樂之地積順生愛也

維曰于仕

傳曰于往也

孔棘且殆

箋曰棘急也

云不可使得罪于

天子亦云可使怨及朋友

六章言亂世進退皆有咎也今維曰往仕耳曾不知仕之甚急而且危也正直者謂之不可使將得罪於天子諛佞者謂之可使又見怨於責善之友從道則違時從時則違道寧得罪於天子不可得罪於公議也

謂爾遷于王都曰予未有室家鼠思泣血

思音伺○王氏曰鼠思幽

思也○范氏曰凡物之多畏者唯鼠為甚○傳曰無聲  
曰泣血○疏曰淚出於目猶血出於體故以淚比血禮  
記云子臯執親  
之喪泣血三年  
無言不疾昔爾出居誰從作爾室

七章責引去者也時有大夫去朝者其友之留者思  
而呼之曰爾可遷居于王都也去者不從以王都無  
室家為辭留者於是謂我憂思而至於泣血無一言  
而不見憎疾於人也且爾昔之出居於外誰為爾作  
室乎能作室於外而乃謂王都無室家何哉我之此  
言爾必憎疾蓋言切中則人所惡也

補傳曰詳味此  
詩可謂衆多如

雨非為政  
之道也

雨無正七章二章章十句二章章八句三章章

六句

詩緝卷二十